

聞九品經姹女多情頻醉鶴嬰兒無語卻啼鶯醍醐既旨花休  
笑放浪爐頭聽汞鳴

坐臥

坐臥忘機劍影孤靈元一點合丹爐乾坤有象書千卷歲月無  
知酒半蘆唐世烟霞凝漢洞秦家桃李映蒼梧浮生解此毫端  
意歸去來兮大丈夫

幽况

山高不礙白雲深長嘯歸來和鳥音日暮天空聞遠磬月明松  
響聽遙琴苔雨過春新了桃李花飛色不禁三輔五陵誰有  
夢野人行樂只山林

道藏輯要

呂帝詩集

卒 室集六  
川〇二

示引源

十年精進獲中天今日酣心始合緣月餌釣君離苦海道機撥  
爾入微玄築基好盡三三法煉已還宜九九先夢覺羲皇西水  
碧歸來滿目是銀蟾

示玄源

空林皓月拂松蘿崦外泉聲和鳥歌三十年間清靜法九千里  
外有無河玄關未破神先壯紫闕初開氣自和但得重樓蟾蛻  
殼始知靈谷轉輕波

示淵源

肩橫一劍醉斜陽笑指天低水未長甲子不言方是覺庚申既